

Datum: 02.11.2021.

Broj: 02-06-875

Press konferencija ispred zgrade UIO BiH povodom novog disciplinskog progona zviždača Emira Mešića

Banja Luka, 02. novembar 2021. – U srijedu, 3.11.2021, sa početkom u 11:30h, održaće se nova disciplinska rasprava u postupku protiv zaštićenog prijavioca korupcije Emira Mešića, radnika Uprave za indirektno oporezivanje BiH koji izložen disciplinskom progonu od kako je prijavio korupciju u ovoj instituciji.

Tim povodom prijavitelj će zajedno sa svojom advokaticom i predstavnicima Transparency International BiH dati **izjave za medije u 11:00h ispred glavnog ulaza u sjedište UIO u Banjaluci (adresa: Bana Lazarevića bb).**

Zviždač Emir Mešić trpi represivne mjere na poslu otkako je ukazao na brojne malverzacije sa naplatom parkinga na carinskim terminalima krajem 2018. godine. Iako je Mešić dobio status zaštićenog prijavioca korupcije, Agencija za prevenciju korupcije i koordinaciju borbe protiv korupcije (APIK) do danas nije preduzela niti jednu radnju kojom bi zaštitila prijavioca od odmazde koju trpi uprkos upozorenjima Ombudsmana za ljudska prava. UIO BiH je protiv zviždača Mešića do sada pokrenula tri disciplinska postupka u kojima je do sada uočeno više nepravilnosti.